

Da se JU „Kulturni centar“ Cazin kontinuirano brine o Starom gradu Ostrožac kao jedinom spomeniku kulture u obliku dvorca koji BiH ima pokazuju sakodnevne aktivnosti, noviteti i projekti koje realiziramo. Od početka godine do danas napravljeni su veliki iskoraci u očuvanju ovog nacionalnog spomenika, pokrenute mnogobrojne inicijative pred nadležnim organima, ali i donatorima, a ujedno smo popravljali i realizirali mnoge projekte, finansirajući ih vlastitim sredstvima i sredstvima donatora koje smo osigurali kroz projektne aplikacije.

Tako smo od početka godine imali 3 akcije čišćenja i uređenja okoliša Starog grada Ostrožac, kao i njegove unutrašnjosti. Potom smo pokrenuli proceduru priključenja električne energije, koja se nedavno i završila.

Osim toga, realizirali smo Koloniju skulptora „Ostrožac 2018“ u punom kapacitetu, sa najvećim brojem posjeta do sada. Kolonija je osigurala veliki publicitet Starom gradu Ostrožac u turističkom smislu, a ostavila vrijedna umjetnička djela da krase unutrašnjost ovog spomenika. Dodatna vrijednost ovogodišnje Kolonije jeste izrada i instaliranje suvenirnice, koja sada omogućuje nove sadržaje našim turistima, a ujedno pomažemo našim lokalnim umjetnicima, malim obrtnicima da promoviraju i prodaju svoje radove. Ovaj projekat je realiziran kao dio projekta Kolonije koju su ove godine podržali Ministarstvo civilnih poslova BiH i Fondacija za muzičke, scenske i likovne umjetnosti. Boravak studenata i njihovog mentora u Koloniji „Ostrožac 2018“ finansijski je podržao i Grad Cazin. Ovim putem se zahvaljujemo i FC FIKO COMMERC d.o.o. na donaciji pokrova za suvenirnicu. Ujedno se zahvaljujemo Udruženju žena „Kula“ Ostrožac koje su pripremile tradicionalni bosanski ručak za sve učesnike i goste te ujedno promovisale naše običaje i gastronomiju, budući da su učesnici dolazili iz zemalja EU.



Stari grad Ostrožac pokriven wi-fi signalom



Stari grad Ostrožac pokriven wi-fi signalom